

## Jo so is Wien

Rudolf Winglhofer

Feurig rot ist der Himmel heite wieda in da Fruh,  
I schau wie jeden Tog da Sun beim aufwochen zua.  
Na jo, ala geh i jetzt durch den Noschmarkt und bin ganz verzückt,  
Wos es do bei de Standln heut für de Leit neuchs wida gibt.  
Ka Mensch is auf da Stossen, na jo, es is ja auch no vü zu frua.  
So geh i durch mein Bezirk zum Burggarten zurück in de Natur.  
De Vogerl'n, se zwitschen laut, und se erwärmen sich  
An der Kroft der Sun, de jetzt sche laungsaum immer stärker wird.  
Jo so is Wien, wouns aufwocht in da Fruh.  
Fost wia Kind schau i da Sun beim Aufgeh zua.  
I gfrei mie heite oda murgn auf an schenen Tog.  
Leg die Hoffnung in de Zukunft und frogt net noch.

So jetzt muass i wida ham, durt worten schon meine Freind.  
Heit hob ma wos zum feiern, weu heite, do kriagn ma na neichn.  
A Clever Doppler vom Billa wird reichen, hauptsach vü Prozent.  
Des hob I mit meine letzten Euro kauft, unseren neuen Dozent.  
Auf da Uni woara, angesehen, und a gaunz a reicha.  
Jetzt sitz er genau so do mit uns, ala, unsa neicha.  
So wia uns haot erm sei Frau schon gaunz laung verlossen.  
Is Göd hot's erm gnumma, blieb'n is nur a Lebn auf da Strossen.  
Leider hot er dafür net de beste Zeit angestrebt,  
Weu de Sun im Winter schon vü zfruh untageht.  
Oba des mocht nichts, des ist amoi jetzt unsa Zuhaus.  
Da Korlspotz neb'n da Ubahn, auf da Strossn drausst.

Jo so is Wien, wouns aufwochst in da Fruh.  
Kana von de Leit schaut de au, oda locht dir zua.  
Du liegst do mit da Decken zudeckt auf da hoartn Erd  
Is da Mensch den heite wirklich gor nix mehr wert?

De Leit se gengan jeden Tog ochtlos an dir vorbei.  
Es is erna wurscht, wias da geht, se denken se nix dabei.  
Oba ans kaun i euch damit sogn, ois Sandler hob i no  
Mei Ochtung vor mir ,und darüber bin i froh.